

ներից ինձ համար մի Յովտակ ձեռք բերել :  
 Ինն տարի յետոյ Կ. Պոլիս Դպրոց գնալիս՝  
 անցանք միեւնոյն ճանապարհով . հին տպա-  
 ւորութիւնս ամբողջապէս վերանորոգւեց .  
 նորից լճակի ջրերը զննեցի, բայց բացի  
 կոճերից ուրիշ կենդանի չտեսայ :

Այդը լճակից անցանք մի քանի հովիտ ,  
 ձոր ու տափարակ . հասանք Կոլալի Թէմիր-  
 Կափու գիւղը : Ճանապարհին մեր աջ կող-  
 մը կանգնած էր հսկայատես Ղըսըր-Ստերջ  
 լեռը , որի լանջերի վրայ արածում էին բազ-  
 մաթիւ ջոկեր , հօտեր եւ նախիրներ : Ես  
 դիտէի , որ ձին ու կովը կարող էին ստերջ  
 մնալ . բայց լեռան ստերջ լինելը ինձ ան-  
 բացատրելի մնաց : Առաւօտ անցանք Կո-  
 լալի ճահիճները , ծաղկաւէտ մարմանդները .  
 հանդստացանք Գերմուջէքի անտառում եւ  
 ապա նոյն իրիկունը արեւով մտանք Շաղե-  
 ւան գիւղը : Անմիջապէս եղբօրս հետ գնա-  
 ցինք Շաղեւանի աւերակ տաճարն այցելե-  
 լու , որի գմբէթն իջած էր . բայց սրբատաշ  
 եւ քանդակաւոր որմերը , մանաւանդ ներքին  
 պանդանոտիւններից դուրս ցցւած Եզի , Առիւ-  
 ծի , Արծիւի եւ Մարդու կիսարձանները  
 այնքան հրապուրեցին աչքերս , որ չէի ու-  
 գում հեռանալ աւերակից : Կոլալի հիւսիս-  
 արեւմտեան մասում , Շաղեւան , Մանիսք ,  
 Ախաչէն , Սիւնդիցզում (Ծինդիցզում) , Ակա-  
 հա , Դիկաչէն եւ Արդանեակ գիւղերում  
 դեռ կանգուն կամարակապ այս եօթն տա-